

Mi meta primordial tabata pa recupera e Laptop di Claudius Philips

ORANJESTAD (AAN): Via su e-mail di "Un Dia Den Bida", e conocido Poentje Castro a ricibi material cu tabata indicacion cu e filenan aki ta procedente di e computer horta for di cas di Claudius Philips. Riba insistencia di Claudius pa e haya e Laptop aki... el a dicidi na haci su best pa recupera esaki.

Unavez cu Poentje tabatin e persona anonimo aki, kende tabata yama su mes No Name McMason, via contacto di e-mail, e ora Castro a dicidi cu e ta "bay hunga un wegá" cu e persona.

Usando sicologia, el a tuma un paso. Poentje a manda informacion pa e supuesto ladron, cu supuestamente "Poentje" ta full en contra cu Claudius. Esey djis pa convence e ladron, cu Poentje ta e persona ideal pa entrega e laptop. El a resulta convincente, pasobra e ladron a cay den trampa y a tuma decision di entrete.

Pero prome biaha e ladron no a duna Poentje e Laptop aki. Algo si, esta cu e ladron a bay den silencio hermetico. Dia 17 di October Claudius Philips a cancela su presentacion. Despues di deliberacion "cu" Claudius Philips, e ora Poentje a manda bise e ladron via e-mail e mensahe: "Still waiting on your reply".

Dia 18 di October mande otro email y bise danki pa kere den mi. Poentje a mira cu e ladron no a cay den su pensamiento y cu e no a rega e laptop.

Poentje tabata mira, cu algo tabata bise cu e ladron aki lo entrete e laptop. E ta convenci cu e por logre.

Dia 21 october, debi cu keto bay ladron tabata silencio, Poentje a manda 3er email durante silencio. Aki Poentje a dispensa su mes, y a bise, cu el no a ripara su mensahe pa pasenshi pa te ora e haya mensahe unda lo haya su laptop.

Segun Poentje, delaster un e-mail cu e tabata haya, tabata worde forwarded pa Claudius, pa e ta na altura di kico e ta, haciendo, incluyendo e lenguahe cu cual e tabata comunica cu e hendenan aki. Ora bo ta den e mundo aki, bo tin di "adapta" na nan lenguahe y pensamiento. "Mi tabata bayendo riba bon track," Poentje a bise.

Entre tanto Claudius a informa Poentje, cu Recherche y Fiscal a bay su cas pa reconstruccion di e caso di robo. Esey tabata kiermeen cu a gara un di e ladronnan. Esey tabata e caso!

Ta conoci cu na Aruba, si Recherche gara un hende, nan

ta cuminza canta manera gai... esey kiermeen cu No Name McMason ta on the run y pesey no a bisa nada mas.

Diahuebs dia 29 di October, net ora cu Poentje tabata haciendo grabacion pa su Show di TV, el a haya atardi dos missed call di Claudius Philips, y un SMS unda e artista a bise cu e ladron McMason a tuma contact cune. Den inicio nunca McMason a contact Claudius Philips, y awor Poentje a mira cu el a tripi di yama Claudius.

Poentje a haya sa cu hasta menazanan a bay den direccion di Claudius. Na final Poentje a pidi Claudius, pa dune "one last try". A resulta cu prome cu el a manda e-mail mes, ya caba e ladron a manda un mensahe via tur su e-mail address, unda e ladron ta pidi su cell-number urgentemente. Poentje a dune un contesta....

Den mey ora e ladron a contact Poentje, y a propone pa anochi nan topa na Texas. Cumana. Mesora e comunicacion a cera. Despues otro yamada, y e biaha aki e persona ta cambia e lugar di topa pa ex-Le Dome Restaurant na Eagle Beach.


Sinta den oficina, Poentje a pensa dos cos: Mihor e yama Claudius Philips pa e mes busca e laptop? Pero si mayan algo pasa Claudius, kizas lo bo tende despues cu ta Poentje a mande. Ademas, e sa cu el hunto cu Claudius Philips hunto pa no contact

Recherche pasobra nan sa cu e ladron aki na mas di un ocasion a bisa, cu si no entrega laptop... e lo sea destrui e computer of bente den laman.

Poentje asina a tuma decision di bay su so. El a yega y e area di ex-Le Dome ta scur. E ladron a dune e mensahe na Ingles, cu e Laptop ta banda di un Container. Yegando aki, Poentje a mira dos container, y diripiente a mira un persona di 1.70 meter, di casi 90 kilo, entre 20 pa 26 aña di edad, y color scur, yega cerca y na Ingles a pidi pa subi su auto. E individuo tabatin e laptop lora den un paña.

Poentje a bise e suheto, cu autoridad ta buscad'e, y di con e no ta entrega tur cos cu a worde haya na cas di Claudius? E persona a bisa cu e no sa nada di prendanan di mama, ni di holoshi di Claudius, ni speaker. El a admiti si cu el a bay cu e flatpanel TV, pero esey a kibra.

Poentje ta insisti cu el a tuma e laptop sin intercambio di placa, y a bay oficina. El a yega l'or di madrugada y a pone riba stul di oficina. Aunke e tin areglo cu Claudius cu e ta entrega e laptop, tog el a pensa cu e computer ta bin di ladronia. Poentje e ora tabatin duda grandi si e ta yama Claudius of yama Polis. Pero e ora ey, e tabata cansa, y anochi laat, y el a dicidi na lage eynan, su cas tog tin alarma, y e ta bay drumi y



descansa, pasobra su siguiente dia ta liber y e lo haci e entrega. Es mas, e guy cu a entrega e laptop ta liber.

Mainta hende di service aircor ta lanta, pa kita esaki. Banda di 9:12 a.m. el a manda un SMS pa Claudius, unda el a bise cu e.o. "I've got good news".

El a bolbe cuminza duda, si acaso ta hiba e computer pa Claudius of duna autoridad. Como cu e mester a cambia slotnan di su porta (e motibo no a worde duna especificamente), el a bay Hardware Store. Como cu e no a haya loke e mester, el a subi back den auto, y a dicidi na yama su abogado Rossi Marchena y splike cu e tin e laptop di Claudius. Mesora e abogado a bise, pa trece e laptop inmediatamente pa Oficina di Abogado.

Pero prome cu esey, el a bay dos Hardware Store mas, incluyendo un ATM Machine. El a regresa cas, caba

di cera sliding door y a tende un hende yame pafor. Tabata Recherche cu a presenta cu un documento (pa colmo pa eror a skirbi na number di su ruman), y a detene pa motibo di Heling, esta "encubrimiento".

Den mesun rosea, Poentje mes a bisa nan cu e computer ta riba e stul ey. E mesun stul cu el a keda di un anochi anterior.

Pues den su palabra, su unico meta tabata pa recupera e Laptop di Claudius Philips, y e ta lamenta cu el a tarda di a entrega e Laptop na su abogado. E ta kere cu mihor el a nevermind di bay Hardware Stores y a bay directamente cu e computer pa su abogado.

Recherche a haya sa cu Poentje Castro tin e computer, como cu e ladron ey a worde gara algun rato prome door di autoridad. El a canta mesora y laba man, bisando cu ta Poentje tine.